

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Amplitudo nominis.

**urn:nbn:de:hbz:466:1-14259**

A *Obstupuit visu Aeneas, ille agmine longo  
Tandem inter pateras & levia pocula Serpens,* *Libavitque dapes, rursusque innoxius imo  
Successit tumulo, & depastis altaria liquit.*  
Quod quidem non temere fictum à Poeta sed ex historia desumptum. Atheniensibus enim contra Medos apud Salamina navalem pugnam in iuris, Serpens draco in navis dicitur apparuisse, secundissimo rerum, quæ prospere subsecutæ sunt prodigia: cujus rei monumentum in Salamine templum fuit Cychreo, ut apud Pausaniam est, dicatum, quod Apollo responderit, Serpentem illum Cychreum heroem fuisse, qui auxilium allatus advenisset.

## EPAMINONDAS. CAP. XI.

E Paminondas autem Imperator ille clarissimus, qui ad Mantineam tam fortiter occubuit, Draconis gestamine insignis fuit. Eo vero loco ubi prælium commissum est, columnam erexit antiquitas, cum clypeo Draconem in ejus memoriam sculptum ostentante. Quod Pausanias ideo facit arbitratur, quod is ex Spartiarum cognatione, quæ Thebis erat antiquissima progenitus diceatur, retur, quorum id gentile esset insigne: quippe quod à seminio anguineorum dentium, quos Cadmus severit, oriundi essent: Spartanosq; ipsos in Laconia inde originem duxisse nonnulli credidere, quos olim *οὐρανοῦ* nuncupatos alia de causa historici tradiderunt: cum enim annona caritate laborarent, compulsi sunt, Serpentes, quorum vis magna in Laconia multiplicaverat, in humani cibi usum convertere. Sed quoniam de clypeis & gestaminibus militum atq; cohortium multa dicturi sumus, quia id præcipue contendebas, ut aduersus eruditorum quorundam sententiam veterum exempla tibi suggererentur, quo non esse novum institutum, familias variis gestaminibus tum colorum, tum dislocationum, atq; etiam insculptarum in illis animalium, figurarum, plantarum, instrumentive alicuius adjectione discerni, comprobare posse: priusquam ad horum explicacionem aggrediar, alia quædam ad principatum & nominis claritatem per Anguem commonstrata dicere necessarium est. Sed prius aliqua de ostentis.

## AMPLITUDO NOMINIS. CAP. XII.

C IN ostentis enim summam nominis amplitudinem portendere Anguis fertur, non iis tantum, quæ ad imperium, aut aliud quemcumque principatum attinent, sed ad ea quoque, quæ vel ingenio, vel arte celebratæ sibi aliquam comparavere, ut in histrione Roscio, artis suæ gloriam præmonstravit: cum enim puerum Anguis dormientem noctu complicasset, pater ad aruspices detulit, qui responderunt, nihil illo pueru clarus, nihil nobilius fore.

## DOMINIUM. CAP. XIII.

A Ureliano vero, quamvis modicis parentibus ortus esset, summum tamen imperium Anguis portendisse fertur, cum ejus pueri pelvum plerumque cinxit, neque unquam occidi potuisse: postremo matrem ejus, quæ templi Solis sacerdos erat, & aruspicio non ignara, cum hoc vidisset, Serpentem quasi familiarem occidere noluisse. Pari præfigio Severo imperium præmonstratum est, cui dormienti, ut Spartanus ait, in stabulo Serpens caput cinxit, & sine noxa, expergefactis atque acclamantibus familiaribus, abiit. Quin & Maximini junioris, quem pater fecum Imperatorem appellavit, caput dormientis Serpens circumdedit, futura dignitatis argumento. Quid autem somnia? nonne ipsa quoque vel in conceptu, vel in partu, quotiens Draconem obtulissent, Mamæ *sua* ejusdem amplitudinis prænunciæ fuerunt? Mamæ Alexandri Severi mater, pridie quam puerum, *mnium.* eum pareret, somniavit se Dracunculus enixa edidisse. Nam & Alexandro Macedoni Draco dominii claritatem præfigivit, qui matre Olympia congressus est in somniis. Hoc idem de Pomponia Africana Scipionis matre tradidit, & ipsi Draco circumfusus nihil attulit nocimenti. Dedit & *Agia fo-  
mnum.* Sueton. i. 4 Augusto Imperii præfigium ostento simili. Nam cum Actia mater ejus ad solemne Apollinis sacrum *Augst. c.* media nocte venisset, politaque in templo lectica, dum cætera quoque matronæ dormirent, obdormiisset, visus est Draco repente ad eam irrepere, pauloque post digressus: illa vero expergefacta, quasi à concubitu mariti se purificavit, & statim in corpore ejus extitit macula veluti picti Dracoris, quæ nunquam eximi potuit, adeo ut publicis inde balneis perpetuo abstinuerit. Sedenim facile fuit